

東  
華  
續  
錄

光緒一百六十一

臣朱彝鼎敬編

臣張毓英恭校

八月辛未命鹿傳霖在軍機大臣上行走以尙書候補○壬申諭軍機大臣等全樞大臣便宜行事李鴻章著卽乘輪船來京會同慶親王奕劻商辦一切事宜毋延○諭毓賢著開缺另候簡用山西巡撫翁同龢補授○調張曾敫爲湖南布政使以周蓮爲福建布政使吳重熹爲福建按察使○以陳夔龍爲順天府府尹○調陶模爲兩廣總督以魏光燾爲陝甘總督岑春煊爲陝西巡撫○以升允爲甘肅布政使沈家本爲山西按察使○甲戌 上奉 慈禧端佑康頤昭豫莊誠壽恭欽獻崇熙皇太后至山西大同府駐蹕○丙子諭軍機大臣等李鴻章電奏閩悉具見愛國忱州初三日因寬罔等奏報與赫德會晤情形已命慶親王奕劻星馳回京會同該大臣商辦一切事宜著仍遵前有乘坐輪船迅速來京會同慶親王力挽危局所請添派榮祿等一節所見甚是著卽派劉坤一張之洞隨時函電會商榮祿現辦防務著俟該大臣到京後體察情形再行請旨將此諭令知之○丁丑諭岑春煊奏兵勇滋事奏明請旨一摺據稱慶軍練兵瑚圖禮英山被民人梁滿住喊控糾搶驛馬審訊明確避重就輕瑚圖禮英山均著卽行正法

以昭炯戒練兵滿漢各有統屬卽屬暫時兼管亦應各專責成嚴行約束豈容任其沿途滋擾此次該管之營哨各官均著交部議處如有不法兵勇搶奪馬車及用強質賣者拿獲到案卽著交春煊會同該管之王大臣嚴行訊鞫按律辦理以肅軍紀而安民心○諭戶部尙書崇綺持躬方正學問優長同治年間由翰林院修撰洊陞卿貳屢掌文衡朕御極以來深加倚畀特擢正卿旋任盛京將軍轉吏部尙書於管理庫務及辦理部務均不避勞怨悉心供職又以引疾家居上年冬召見該尙書精神甚爲矍鑠特命在宏德殿行走用資輔導旋命管理禮部改戶部尙書近復派充留京辦事大臣方期共濟時艱長承恩眷本日據榮祿奏七月二十一日以後榮祿偕該尙書退守保定該尙書因恢復無期竟於本月初二日殉節於保定蓮汀書院洵能舍生取義大節無虧覽奏曷勝震悼崇綺著照尙書例賜卹任內一切處分悉予開復應得卹典該衙門察例具奏並著加恩予諡入祀昭忠祠派廷雍就近前往奠醴並柩回旗時沿途地方官妥爲照料准其入城治喪伊孫幾人現在有無官職該旗查明具奏候旨施恩用示篤念忠貞至意○諭幫辦武衛軍事務前四川總督李秉衡持躬廉正辦事公忠起家牧令洊擢封圻所至革弊懲貪民情愛戴經朕特授四川總督旋因事降革因病在告上年召見該督見其精力未衰特命前往奉天查辦事件旋命巡閱長江水師藉資整頓軍務初起特召來京該督冒暑進行受命督師甫及至防倉皇

出戰以致師出無功此實由於兵律素弛將士不能用命朝廷並未加該督以失律之咎乃聞李秉衡以兵敗潰退竟於七月十七日殉節於通州之張家灣雖尚未見奏報然訪聞業已確實悼痛之懷其何能已李秉衡著照總督例賜卹任內一切處分悉予開復應得卹典該衙門察例具奏並著加恩予諡入祀昭忠祠派廷雍前往奠醊靈柩回籍時沿途地方官妥為照料准其入城治喪伊子幾人現在有無官職著盛京將軍查明具奏候旨施恩○諭軍機大臣等陝西固原提督鄧增督帶隊伍巡赴行在著刻日起程將此由六百里諭令知之○己卯諭行在政務殷煩需人佐理在京各衙門亦未便有虧職守除大學士榮祿徐桐崑岡尚書崇綺崇禮裕德敬信侍郎溥善阿克丹那桐府丞陳燠龍已先後派充留京辦事大臣外尚書徐會灃松淮左都御史吳廷芬侍郎溥瀚李端遇曾廣漢溥良榮惠徐承煜內閣學士孚琦陸寶忠左副都御史慶煜通政使儒林正卿王福祥印啟宗人府府丞成章詹事李昭煒左庶子伊克坦通政司副使李煥鑾少卿溥綱員昌德本范鳳衡袁維俊翰林院侍讀學士秦綬章侍講學士熙瑛侍讀崇壽侍講禮部國子監司業希廉周克寬欽天監監正徐霖監副樂山太醫院院判施國治白文壽均留於本衙門照常辦事此外各部院卿寺堂官暨有內廷差使各員此次未派留署者均著遵行遴選得力官員一併酌帶來前以便辦理各該衙門事務毋得遲延○庚辰以余聯沅為江西按察使○以岑春

煊爲甘肅布政使並賞給頭品頂戴○癸未諭朕此次恭奉 鑾輿幸太原當經先後派出榮祿徐桐崑岡崇禮敬信溥善阿克丹那桐陳夔龍充留京辦事大臣復令慶親王奕劻國京會同李鴻章與各國議辦一切事宜此案初起議和團實爲難辦之由今欲拔本塞源非痛加剷除不可直隸地方義和團蔓延尤甚李鴻章未到任以前廷雍肅無旁貸即著該護督通飭地方文武各官嚴行查辦務淨根株倘仍有結黨橫行阻無官兵甚至抗拒官兵者即責成帶兵官實力剿辦以靖亂源而安民庶○諭軍機大臣等前因榮祿奏稱擬俟防務佈置妥協卽赴行在當經諭令該大學士仍駐保定力顧畿輔大局茲據李鴻章此次電請添派王大臣會辦該款除已命慶親王奕劻星馳回京並與劉坤一張之洞函電互商外卽著添派榮祿會同辦理並准其便宜行事該大學士如已赴獲鹿著卽速回保定俟李鴻章到津後妥爲商辦大局所關安危係之存亡亦係之該大學士爲國重臣受恩最深當不忍一意藉詞諉卸也李鴻章原電並鈔給閱看將此由六百里諭令知之○先是李鴻章劉坤一張之洞奏自七月十六日以後李鴻章遵 旨屏向各國電商先行停戰距洋兵入京僅止數日深恨無可挽救七月二十一日以後復以停戰撤兵分電切商各國皆以剿匪弭衅各節中國未能照行 兩宮離京情形迥異設詞推宕未允各派全權議事但事機愈繁豈容坐待迭與各駐使等再三設法探討冀有轉機仍一面將局勢危變情

形於八月初一日專摺馳陳並電山謨理陝西撫臣端方就近代奏恭待 後命初六日接駐俄使臣楊儒電稱白聞洋兵內犯 車駕震盪心膽俱裂連日奔走外戶兩部力籌挽救均稱事已至此實乏良策刻下北京無主各武員使宜行事勢難遙制蓋因屢次代我設謀均未照辦不免怏怏也嗣經迭次懇商並告以我深知中俄邦交有逾歐美無如華洋各報議論均言俄心叵測雖謂中國我甚惡之此次進兵本爲救使今已保全俄兵何妨先撤以作榜樣全兩國數百年交誼慰中國數百萬人心以示實感而銷眾口反覆勸解彼意稍動始允設法轉奏頃據面告俄主已允即日將兵隊公使人民一併撤至天津以示真心見好至東省之事鐵路有公司承當將帥請中國懲辦俄決不據尺寸土地飭詳告貴大臣此係勉副鴻章與 儒再三之請切勿誤爲畏怯一面連請 皇太后 皇上回京或先派合例全權辦事則恐德國紛帥到華別有舉動並請 鴻章與南省督撫之員民望者會奏辦理等語查戶部徵特辦事明決川騰照人俄主言聽計從外部不稍掣肘此絕大轉機不可再誤儻各國均肯照辦京師必須妥籌鎮守萬一民變復作子黎更遭塗炭且又予人以可乘之機不可不慮乞轉電臣坤一臣之洞等通籌迅速奏辦等語 臣又先接俄戶部徵特七月二十一日二十九日兩電內稱各大員之擾亂大局者應請懲罰不貸而於東三省違 旨肇亂各官請嚴查懲辦不可以空言虛語塞責均係忠告之言另單鈔

呈 御覽 臣鴻章即與臣坤一臣之洞往返電商撤兵須有實約議事雖託空言查西例國君不在京便是無主之國任敵兵施爲故必有留守便宜行事之全權大臣方能督辦和局今俄國請先派合例全權議事遲則恐德統帥到華別有舉動是爲目前第一要義 臣鴻章前據日本所請奏懇 飭令慶親王奕劻大學士榮祿星夜回京會議此實萬不可緩之舉如奉 俞允 臣鴻章即當航海先赴天津專候慶親王榮祿回京便可僱各國派使會議蓋俄所允撤兵到津恐尙須會商各國而後定就使俄兵首先退至天津市戰於我而我若仍以空言搪塞彼兵在津何難再進或稍遲疑不決轉瞬八月杪德帥卽統陸兵兩萬而至德既不能空回勢必撥亂各省愈鬧愈壞不可收拾恐德倡而俄隨德俄倡而諸國隨如上年膠洲澳爲先旅順大連灣繼之威海衛廣州灣又繼之其前鑒也抑 臣等又有請者攻使縱匪聯軍所以由天津犯京此各國公同向我理論之事也各使幸已無恙若能如鴻章所請剿匪之事責成直隸督臣可示以踐行之漸至毀路開衅俄兵所以佔據東三省諸城此俄國專案向我理論之事也署黑龍江將軍壽山署奉天副都統管昌該二員壹意主戰豈不知三省兵械斷不足以抗大敵乃竟縱匪毀路另搆衅端以致失陷多城殃害人民貽國家無窮之累其罪禍尤屬重大非另簡相當人員前往接替終難停戰擬請 聖明以大局爲重卽將壽山管昌先行罷斥治罪以爲開衅債事者戒庶使款局漸可轉圜

不致遷延再蹈覆轍等爲事機不可再失起見謹合詞據實陳繕摺由驛六百里加緊馳奏仍電屬護理陝西撫臣端方另行代爲繕摺就近轉遞以期迅速又奏與各國商議事件全賴電綫靈通臣鴻章行抵上海卽查明直隸山西兩省電綫全行被匪拆毀祇得暫駐上海尙可與外洋往來通電現已商由盛宣懷設法借款先將上海至天津另設海綫再由天津至上海復設陸綫並將管綫次第修復中外樞紐方免阻滯惟畿輔千里主持無人拳匪潰兵充斥焚掠主客各軍概形散漫臣坤一之洞電商臣鴻章以各國議和必非旦夕可結之案既調任直隸必當自任該省之地主冀可杜外人無主之說所關甚大臣鴻章卽已電屬護理督臣廷雍代爲繕札蓋用關防通飭本省地方官及本省外省各統領在直隸境內各軍均宜各守法度遇有土匪潰兵滋事卽行認真剿除一俟到津卽當遵旨一面會同添派之王大臣盡力籌議一面將順直各屬應辦事件勉力自任至鎮守京城尤非慶親王榮祿不能勝任臣鴻章如有可盡之責亦不敢推諉惟斷不能獨任其事但望畿疆稍能安靜兩宮早日回鑾以遂天下臣民之望以慰各國尊敬之誠此臣等日夜所禱祀以求者也再各省人心不靖曾匪伏莽時有蠢動兼之康有爲黨羽分布各處造言煽惑尤屬可慮臣坤一之洞聯絡各督撫竭力防維總期隨時撲滅擬請速頒諭旨飛飭各省將軍督撫官聖駕暫時西幸已派王大臣等與各國妥爲議結各省將軍督撫務須



照常辦事鎮靜民心勿令擾亂保守疆土勿稍疏虞於交涉事件仍照迭次諭旨按照條約辦理遇有各種匪徒藉端生事嘯聚焚殺意圖乘機作亂立即派兵剿平勿令滋蔓擾動大局各省官民見此明諭人心自靖內患自安免致重貽宵旰之憂謹附片具陳又奏正在繕奏間接保定廷雍轉遞光緒二十六年七月二十五日奉上諭七月二十一日洋兵猛攻入城圍撲宮禁勢甚危險不得已恭奉皇太后慈駕暫行西幸此次衅起民教互鬧朝廷辦理為難情形已歷次備具國書詳告各國彼方以代除亂民為詞於國家並無他意而似此舉動殊屬不顧邦交未符原議且中國於駐京各使臣始終委曲保全未嘗失禮尤不應如此相待昨已派榮祿徐桐等留京辦事然當各國氣勢方張之際恐在京未能遽與開議該大臣公忠素著平日威望亦為外人所信服國事至此著即迅籌辦法或電各國外部或商上海各總領事從中轉圜務期竭盡心力為國家捍此大患等因欽此伏讀之下汗涕交流自百邦交論勢不論理然其氣勢足以陵人者仍必執理與人爭論查各國外部轉覆各電及洋報所述駐京各使詞意與諭旨間有不符各使館皆謂兵民圍攻數十日之久幾無生路德使被戕之後聞尚有荷比兩使受傷初則謂我租界不能謬使繼則謂我縱兵與匪合而攻使臣到滬以來接見各國總領事等眾口一詞以為始終未見剿辦拳匪之有故各國聯軍由天津而入京師且入京師而仍添兵不止皆為此也臣故

於請添派王大臣摺內兼請剿辦拳匪實以中國勢力不足強制各國若非理足更無辦法從來城下之盟有越數十年而轉爲強盛者然斷無目前不忍辱而能自全之理日本外部青木電請多派王大臣又請諭旨內須有朝廷引過辭意各國方能開議否則德國所派之大帥瓦爾德將率水陸全軍到華此人所與毛奇畢斯馬同事位高威重誠恐各國意指又必加厲俾曰禹湯罪已其興也勃焉竊願朝廷婉美禹湯先下罪己之詔夫能使海內臣民撫膺而痛哭卽能使域外諸邦心悅而誠服也

四朝特達之知今蒙 聖主以恢復神京重任雖衰邁無能爲敢諉卸惟臣子効力於折衝俎豆之間仍必仰賴 聖主得心應手方免隕越臣一面將此次諭旨轉電各國駐使楊儒等向外部婉轉解說尙恐未能合拍至上海各總領事已晤者曾屬其電商本國均轉伊等無議事之權各國又未肯卽派全權前來會議似不得不仍向在京各使設法轉圜諭旨已派榮祿徐桐等留京辦事聞榮祿尙在保定斷不可再使離京但事關重大各國意在添派熟悉洋務之王大臣主持其事否則終恐不能認爲合例全權徒延時日臣一俟稍有轉機卽當航海馳赴津京相機會同商議理合附片據實先行覆陳謹將駐俄楊使七月二十一二十九日兩次譯寄俄戶部大臣微特來電鈔呈 御覽 一照鈔楊使七月馬電俄戶部微特致電譯下中國亂事我皇極願早了事雖至此我皇與貴國暨 太后睦誼無損且深信

公如故亟盼各國添兵暨德國統帥瓦爾特到華以前先自靖亂避則枝節叢生恃愛勸公早乘我艦赴津我軍當隨處保護一面令各使到津請准我酌定兵數派赴京城外迎接因公須與各使會議若彼不出公宜入都 貴大皇帝應嚴飭東三省各將軍停攻保路之俄兵另派曉事全權大臣馳往東省將遲台肇亂各官嚴查懲辦儒馬 二照鈔楊使七月薨電 勘電避悉微稱情形至此俟德派瓦統帥到華定有辦法伊覆電錄下時局非空談所可挽轉要當實行耳凡各大員之擾亂大局者 太后 皇上應懲罰不貸且 太后 皇上當嚴諭以後不復攻擊毫無游移至俄國他日之護助貴國請中堂勿疑如閣下思惟以空言虛語他日決不願踐行者辦理如此重大之事則誤矣中堂應往北京實力奉行無忽微特押又外部文略稱現中俄交誼未稍損惟停戰須互商各國辦理俄兵占東三省各城非俟地方平靜保無後患未便退兵邊界禍根咎在疆帥兵丁亂民望速遷撤等語儒艷 既李鴻章又電致 行在軍機處初七日接駐俄楊使電俄戶部允可撤兵當即密屬日本駐滬總領事電勸該外部一體撤兵開議頃據日本總領事小田切轉呈外部電稱該領事往見李中堂探明前辭 朝廷多派全權大臣之 旨意如何曾否照准並密陳李中堂此時可以連請 兩宮回鑾各國可保無事 兩宮回京則有政府可辦現在議和已到時候可請各國從速議和等語今日洋報俄已向各國商酌撤兵離京未知各

國有無他意即使聯軍移津正宜從速議款應懇 聖明卽允日本所請派令榮祿先在保定候鴻到津  
京會議一面添派慶親王迅速回京如能趕在德軍未到之先開議稍有區別 兩宮動靜四海觀聽所  
屬各國但請 回鑒日本已與各國商明可保無事蓋恐王大臣辦事請 旨留時京都收復非遙 宮  
闕無恙不久卽可迎 駕或請暫駐太原再相機回京伏乞 聖裁請代奏至是 上諭軍機大臣等李  
鴻章劉坤一張之洞等會奏摺片暨李鴻章初九日電奏同日覽悉七月二十一日之變罪在朕躬悔何  
可及該大學士等與國同休戚力圖挽救 宗社有靈實深鑒之所陳各節悉係目前最要機宜慶親王  
奕劻計初十日可以到京本日後有旨加派榮祿會同辦理現在俄戶部允可撤兵是機有可乘不可一  
誤再誤該大學士應卽借乘俄艦駛赴天津先行接印仍卽日進京會商各使迅速開議至罪己之詔業  
於七月二十六日明降諭旨播告天下該大學士此時當已接到自行剿匪一節該大學士未到任以前  
已責成廷雍認真辦理本日亦有明發諭旨矣其餘皆當照請施行惟事有次第不得不略分先後耳朕  
恭奉 慈輿一路安善現距太原兩站駐蹕久暫俟抵太原後體察情形再定進止此次變起倉猝該大  
學士此行不特安危繫之抑且存亡繫之旋乾轉坤匪異人任勉爲其難所厚望焉此有仍著端方轉電  
李鴻章等知之○丙戌 上奉 慈禧端佑康頤昭豫莊誠壽恭欽獻崇熙皇太后至太原府駐蹕○李

鴻章電致 行在軍機處前電駐俄楊使屬轉告外部謝撤兵回津並徧告各國政府美意已將歐電及戶部電全鈔馳奏並求外戶部奏俄主轉致德皇勿另生波瀾爲要至請 太后回京日本亦力勸恐須在太原稍息再議等語頃接楊使真電稱已將來電呈外戶部並以致謝伊稱各國覆電均云撤兵極是惟慮兵撤而亂又起更難辦理儒謂現有留守諸公且慶邸榮相速回鎮守無須過慮伊稱須有確憑方足爲信現他國均謂中國已無政府如 兩宮明降諭旨即日還京切實派員交收京城彈壓地方便是確憑而盼照辦又致德皇一附伊允轉奏並允德亦不欲爲難了事之策在我嘗自爲之等語乞代奏云云事關緊要不及繕摺乞速代奏請 旨電覆 上諭軍機大臣等李鴻章電奏悉明降諭旨及派員交收兩節均係題中應有之義惟此時奕劻在京尙未知開議與否該大學士亦未進京速有此旨不免未同而言著仍遵前旨迅速赴京會同奕劻榮祿商辦開議俟議有端緒即著馳奏候旨核辦此旨由端方轉電李鴻章知之○戊子調松壽爲江蘇巡撫以景星爲江西巡撫延祉爲河南布政使鍾培爲河南按察使○諭軍機大臣等朕奉 慈禧暫行巡幸太原本非久計長安爲自帝王都山川四塞集據上游著端方審度形勢於西安省城酌備駐蹕之所沿途踴躍所經並飭地方官豫爲籌備現在時勢多艱度支竭蹶朝廷臥薪嘗膽務崇儉德該署撫當仰體憂勤惕厲之懷一切概從省約毋許稍涉奢糜是

爲至要將此由六百里諭令知之○諭管昌藩開缺聽候查辦盛京副都統著訥欽補授○諭壽山藩開缺聽候查辦黑龍江將軍著延茂補授卽赴新任毋庸來京請訓未到任以前著薩倬恆暫行署理○李鴻章電致 行在軍機處頃又接駐俄楊使元電請轉奏此次俄首先撤兵實非意料所及聞各國除英德稍有意見外餘均以撤兵爲然或將效法緣和議一日不定卽商務一日受虧此各國所最注意也然欲和議速定必須 兩宮在京全權各大臣方可面秉機宜安速了結否則長途電奏必多遲延窒礙仍恐決裂伏乞 皇太后 皇上熟審利害卽日 回鑾上慰 列聖在天之靈下敷中外臣民之望如蒙俞允請速發俄主謝書並懇排解由儒力求設法向各國陳說轉圜可冀順手至 乘輿所蒞各國決不驚動車輿致誤和局從此京師鎮定和議告成 宗社幸甚萬民幸甚時危勢迫冒死上陳等語事關緊急不及繕摺乞速代奏請 旨電覆 上諭軍機大臣等李鴻章轉楊使電悉撤兵尙係空言俟見諸實事理當致謝奏回計到京多日該大學士何以尙未起行著迅報起程日期爲盼○己丑諭趙舒翹現在隨扈順天府府尹事務著徐曾澥兼理○庚寅諭軍機大臣等朕恭奉 慈鑒於十七日安抵太原何日西巡尙未定期惟該省應行預備一切固不可過事銷張亦不可誤聽訛言稍存觀望致一旦西幸諸事轉形倉促將此諭令端方知之○壬辰以歲時爲四川按察使○癸巳諭此次聲端實由拳民無故肇禍

教民因而疑懼以致兩不相下擾攘非常不知教民拳民皆我赤子朝廷視民如傷該教民等但能各安本業自應照常保護無所用其疑慮著各直省督撫諄飭各該地方官開誠布公切實勸導俾各教民咸知一視同仁之意坦然無疑如常安處至拳民多係拳匪迫脅何忍不分良莠概加誅戮並著各該地方官明白曉諭卽令解散歸農倘仍敢糾眾釁聚不知感悟一旦大兵所指不分玉石後悔莫及勿謂不教而誅也將此通諭知之○乙未諭許應騷奏閩浙交界地方土匪滋擾剿辦情形一摺本年六月間匪首劉加平糾合匪黨吳賴頭等聚眾數千連陷浙江江山常山兩縣經總兵敖天印督率營團將匪首劉加平擒獲懲辦裔從一律解散辦理尙爲迅速補用副將敖天印著以總兵記名簡放署漁梁守備許岐未能防範於前尙知愧奮於後著革職免其治罪陣亡之團練李韶觴式琦什長胡爲尙均著交部從優議卹江山常山兩縣克復劉樹堂業經奏明仍飭令敖天印等將逸匪吳賴頭劉老三帖等迅速搜獲以絕根株而靖地方餘著照所議辦理○諭許應騷奏將才難得擇尤保薦等語固原提督鄧增前福建水師提督彭楚漢均著交軍機處存記○丙申諭廷雍奏拳教相仇釀成大變現仍糾聚請旨飭辦一摺此次禍端肇自拳匪繼經降旨痛加剿辦茲覽所奏見拳民猶復膽敢在京津等處嘯聚殺害良民搶劫財物從法已極非從嚴剿辦不足以懲兇頑姑念拳民等多爲拳匪迫脅自應分別辦理著直隸各路統兵大

員凡有拳民聚集處所勒令呈繳軍械尅日解散倘敢抗違卽著痛加剿除以清亂源而靖地方○己亥  
諭劉坤一奏票匪滋擾大通派兵會剿一摺本年七月間有富有票匪在湖北應城地方嘯聚滋事并糾  
合游勇數百人截劫師船經劉坤一王之春黃少春先後派員剿辦將匪首余老五等擒獲懲辦餘黨悉  
平地方安謐當防務喫緊之際該營哨等未能先事防範均屬咎無可辭大通營參將張華熙大通營左  
哨都司宋春林均著卽行革職永不敘用裕溪營參將彭澍裕溪營左哨都司吳斌臣大通營前哨二隊  
千總吳高如右哨四隊把總顧福成左哨五隊外委阮忻左哨六隊外委劉傳薪右哨五隊外委郭福全  
右哨六隊外委蕭近理後哨四隊把總鍾龍順裕溪營請補後哨一隊千總曾茂芳後哨四隊把總周成  
喜請補左哨七隊外委張偉元右哨五隊外委張福友均著一併革職已革提督李定明此次剿匪尙知  
愧奮著准其開復原官餘著照所議辦理

閏八月辛丑諭此次中外開釁變出非常推其致禍之由實非朝廷本意皆因諸王大臣等縱容參匪啟  
釁友邦以致貽憂 宗社乘輿播遷朕固不能不引咎自責而諸王大臣等無端肇禍而應分別重輕加  
以嚴處莊親王載勛怡親王溥靜貝勒載瀾均著革去爵職端郡王載漪著從寬撤去一切差使交  
宗人府嚴加議處並著停俸輔國公載瀾都察院左都御史英年均著交該衙門嚴加議處協辦大學士



吏部尙書剛毅刑部尙書趙舒翹著交都察院吏部議處以示懲儆朕受 祖 宗付託之重總期保全

大局不能顧及其他諸王大臣謀國不臧咎由自取當爲天下臣民所共諒也○諭大德國駐京使臣克

林德前被匪戕害業經降旨深爲惋惜因思該使臣駐華以來辦理一切交涉事宜和平妥洽朕追念之

餘倍深軫惜著賜祭一壇派大學士崑岡卽日前往奠醴轍輅回國時並著南北洋大臣妥爲照料抵本

國時著再賜祭一壇派戶部右侍郎呂海寰前往奠醴用示篤念邦交惋惜不忘之至意○電 命出使

德國大臣呂海寰呈遞 國書其文曰 大清國 大皇帝問大德國大皇帝好此次中國變起倉猝害

及貴國使臣克林德朕馭下無方致傷睦誼一經追念軫惜益深本已明降諭旨賜祭一壇著大學士

崑岡前往奠醴並飭南北洋大臣於靈樞回國時妥爲照料抵貴國時再賜祭一壇派戶部右侍郎呂海

寰前往奠醴用示朕惋惜不忘之意貴國與中國交誼素敦務望大皇帝以保全中外大局爲重盡捐嫌

隙俾和局早日定議彼此永遠相安不勝盼切禱切之至○電 命出使俄國大臣楊儒呈遞 國書其

文曰 大清國 大皇帝問大俄國大皇帝好此次中國變亂事起倉猝以致開罪鄰邦乃荷大皇帝顧

念邦交允先撤兵爲各國倡感佩之忱曷有既極用特派工部左侍郎楊儒呈遞國電先伸謝悃復祈大

皇帝顧全大局轉商大德國大皇帝仍敦舊好務捐嫌隙以期和局早日定議則感荷高誼益無涯涘不

勝盼切禱切之至○李鴻章電致 行在軍機處頃抵天津接江督劉坤一楚督張之洞皖撫王之春東撫袁世凱公電稱款局須速開議避則生變目前要議計有四端一俄允撤兵雖空言然致謝亦空言無妨以此踴躍並託其勸德二展期德有窺海州圍江北愈李盛鐸亦有此電善聯電廈門英領事官趁德隊未全到先請 旨將德克使優卹知照德新使及聯軍三各國謂和局不定聯軍必西追無論遠近皆深入現已有攻保定說宜早商停戰免致不可收拾四日本有言若有誠心悔過 諭旨即不 回鑾亦可開議二十一日會奏卽是誠心悔過若奏明照此辦法可勿 回鑾總之無切實辦法各國難允開議不開議卽不停戰不停戰卽禍無底止事機最緊祈茲又接盛宣懷電稱頃德使面談華兵戕我使臣故與各國不同德王訓條若非交出四凶不准停戰開議再四與商乃云惟有 光緒皇帝親自電致德國皇帝將使臣克林德被害切實惋惜優加禮卹答以六月會致 國書惋惜答云措詞輕率且非事件現在此蓋係我私語因請我設法故以直告如此電能得體要國王或可稍息憤怒漸有轉機核與善聯所遞英領事官請 朝廷優卹德使相合應請電奏如有 國電請軍機處電滬代轉呂使交德穆使代遞彼謂兵戕已有實據前 國書諉爲亂民傷害彼決不允各等語鴻過大沾晤俄水陸提督據云除留兵千數百看守禁城外現已撤回兵五千似宜有 國書道謝俄廷未令停戰彼尙擬分攻瀋陽力勸暫緩

德兵攻陷房山亦有圖保定意若奉 國電特旨優卹克使由盛宣懷分寄並將臣等二十一日會奏宣明或冀早日開議聞德員在京察獲戕害克使之旗兵供認確鑿指詞宜稍斟酌因京津電報不通未及會商慶親王事機緊急合先專電請代奏伏候 聖裁 上諭軍機大臣等此電已悉所奏各節本日均已照辦分別降旨該大學士接奉此旨著卽日進京開議勿再遲延致俄德國電二件並飭盛宣懷迅速分電矣○壬寅諭大日本駐京使臣書記杉山彬被殺一事前經降旨緝兇懲辦因念該書記既在使館當差理應一體保護乃因事出倉猝遽爾被戕實深軫惜著派禮部右侍郎那桐前往致祭並賞給祭葬銀五千兩靈柩回抵本國時著內閣侍讀學士李盛鐸派參贊官一員再行奠醢以示篤念友邦惋惜不忘之至意○諭爲政首在得人近年來各督撫保舉人才不免瞻徇情面汲引私人是上以實求者下不以實應大負朝廷求才若渴之意現在時局陷危需才尤亟各封疆大臣均有以臣事君之責務各激發天良虛衷延訪如有才猷卓著克濟艱艱無論官階大小出具切實考語迅速保薦以備錄用倘該督撫等仍屬從前積習濫列刻章一經任用輒至貽誤定將該原保大臣一併嚴懲決不姑寬整軍經武端賴將才近來各督平時訓練並不認真請求一經徵調漫無紀律甚至擾累民間實堪痛恨各直省制兵防營是經核補斷不乏折衝禦侮之才各督撫如果平時留心考察賢實保薦何致臨時汲收不可收拾若

此耶著各該督撫力祛銅敝務選真才有堪勝專閫之任者卽行保奏用備採擇將此通諭知之○電  
命出使日本國大臣李盛鐸呈遞 國書其文曰 大清國 大皇帝問大日本國大皇帝好前因貴國  
書記生杉山彬在永定門外以口舌細故被戕深恐有乖鄰誼當卽降旨緝匪懲辦追念該書記生被戕  
情事彌深惋惜本日已明降諭旨派禮部右侍郎那桐前往致祭並賜祭銀五千兩靈柩回抵貴國時  
令內閣侍讀學士李盛鐸派參贊官一員再行奠醊用示朕惋惜不忘之意貴國與中國同文同洲素敦  
和誼此次中國開罪友邦蒙大皇帝極力維持感激之忱曷有既極望諒勸各國早定和議則保全東  
方大局裨益實多朕不勝禱切盼切之至○癸卯以敬信爲步軍統領○調懷塔布爲鑲紅旗滿洲都統  
崇稷爲鑲藍旗滿洲都統以善耆爲鑲黃旗蒙古都統芬車爲鑲白旗蒙古都統博迪蘇爲鑲藍旗蒙古  
都統載卓爲鑲紅旗漢軍都統○諭鹿傳霖奏詞臣殉難請旨優卹等語翰林院編修王廷相立行敦品  
學有本源經李鴻衡調赴軍前臨難捐軀大節凜然殊深軫惜著追贈五品銜從優議卹伊子舉人王晉  
豐以身殉父遇救得生洵屬孝行可風加恩著以主事用用示篤念忠肅至意○諭鹿傳霖奏請將官犯  
改發配所並嚴追虧欸一摺江蘇海州分司徐紹垣前因官售私鹽種種舞弊經鹿傳霖委查明確奏請  
革職發往軍臺効力贖罪茲據鹿傳霖奏稱該革員詭詐貪橫實爲鹽務巨竊查其交代挪短至六七十

萬兩之多若任其率混帳轉以雜作正蒙混了案無以爲罔利營私者儆等語鹿傳霖現已調任難保該革員不逞其故智希圖率混著松壽督飭運司柯逢時將該革員所虧交代確切查算勒限繳清該革員淮揚一帶私產甚多倘限內不繳著卽一併查抄備抵並將該革員改發新疆剋日起解以重公款而儆官邪○甲辰調李廷熊爲甘肅布政使升允爲山西布政使○乙巳諭現定於閏八月初八日啟鑾西幸長安沿江所設轉運總局著卽移至漢口沿江改爲分局自漢口以上應如何添設分局之處著劉坤一張之洞飭令惲祖祁妥籌辦理○諭朕恭奉 慈禧駐蹕太原將近兩旬該省過值荒歉千乘萬騎供億維艱食用皆藉民生滋累每一念及愆然難安且省城電報不而京外往來要件輾轉每多延誤不得已謹擇於閏八月初八日啟蹕西幸長安沿途供頓及途中起居服用祇求便適承辦各員不得過事鋪張致滋糜費至於籌餉實在疆臣著各該督撫實力籌畫源源解東南各省轉運較易著將籌定糧餉迅解行在以資接濟將此通諭知之○諭御史彭述奏乘輿西幸敬擬沿途應辦一切事宜此次啟鑾西幸准照該御史所陳隨扈人員分起啟行及沿途供應不得過事鋪張本日業經分別降旨矣惟各軍兵勇人數衆多尙須嚴加約束方不致擾累地方著統兵大員各按起數嚴加督察如有騷擾情事卽按照軍律懲辦至兵勇過境居民不免驚疑往往將鋪戶預行關閉或居奇擡價致兵勇覓食維艱現經降旨責

成各該統領嚴爲鈴束居民人等無所用其疑懼著山西陝西各巡撫連飭各地方官卽行出示曉諭張貼驛路大道俾衆周知至隨行太監及王公大臣等所帶跟隨人等沿途猶恐不免有滋擾情事著英年岑春煊隨時稽查從嚴懲辦○內午命廣忠管理火器營事務○命懷塔布管理圓明園八旗包衣三旗官兵並烏鎗營事務○李鴻章劉坤一張之洞袁世凱奏俄允商各國撤兵而必欲兩宮回鑾德新使致電之詞電必欲先辦主持拳黨之人而後開議李鴻章在滬晤德使荷闕使及副總稅務司裴式楷各國總領事等所言皆同是知各國公憤所在斷難偏護若遷延不辦恐各國變其宗旨愈久愈不可收拾臣鴻章本日已將登舟北上適接臣坤一等電均稱伏讀八月十五日電旨罪在朕躬悔何可及不禁感愧涕零實則罪在臣下中外皆知無可掩飾欲求救急了事之法惟有仰懇聖明立斷先將統率拳匪之莊親王載勛協辦大學士剛毅右翼總兵載瀾左翼總兵英年及庇縱拳匪之端郡王載漪查辦不實之刑部尙書趙舒翹等先行分別革職撤差聽候查辦明降諭旨歸罪於該王大臣等以謝天下以昭聖德臣鴻章卽可密告各國與之剋期開議是否有當伏乞皇太后皇上宸斷施行事關宗社存亡不敢稍避嫌怨謹合詞電由護理陝西撫臣端方繕摺馳奏冒死瀝陳不勝迫切待命之至上諭軍機大臣等李鴻章等奏事機萬緊請將統率拳匪之莊親王等先行分別懲辦一摺李計日到京著奕

勳與該大學士體察各國實在情形究竟如何切實會商卽行具奏○丁未 上奉 慈禧端佑康頤昭豫莊誠壽恭欽獻崇熙皇太后敕鑒○戊申諭軍機大臣等劉坤一等奏江北漕糧轉運艱難情形一摺江北漕糧十四萬餘石前已撥給山西現既運至德州卽著錫良派委員前往接運至清江轉運局所撥直隸賑米十萬石仍著該督等飭令惲祖祁運至德州由直隸總督派員接運其餘十萬石及本屆截存海運漕糧二十餘萬石卽著一併取道漢口改由裏河運赴行在現在駐蹕長安該省適值旱災需糧甚多亦甚急劉坤一張之洞務飭在事各員迅速轉運毋稍遲誤是爲至要○庚戌諭本日朕行至義安村地方突有郭敦源自稱義和團頭目異言異服衝突儀仗實屬不法已極著卽行正法以昭炯戒介休縣知縣陳曰稔於此事顛頑並不查拿其平日縱容義和團可知著卽行革職永不敘用○出使俄國大臣楊儒電呈俄主國書其文曰貴國駐使楊儒轉呈 大皇帝電傳國書內稱各情我甚感動足見 大皇帝賢貴國之心實深欣幸現中國衅端我必仍竭力挽救和平速了當可見信但須速 回鑾駕自秉大權和商一切則俄國顧全鄰誼維持大局亦易爲力當蒙許可不勝厚望至中俄數百年交誼輯睦永敦目前雖稍有違言不難修復爾好也○丙辰諭岑春煊奏革弁勒索車價侵吞肥己請旨嚴懲一摺已革管帶前路糧臺親兵哨隊高維勳前因沿途需索供應業經革職發往新疆充當苦差茲復查出該弁

在靈石縣差局勒索車價錢文一百四十八千之多情節尤重武弁沈汰有任聽高維勳縱使丁役勒索規費情事均屬大干軍律若不嚴行懲辦不足以儆效尤高維勳沈汰著一併卽行正法以昭炯戒○調于蔭霖爲河南巡撫裕長爲湖北巡撫○出使日本國大臣李盛鐸電呈日皇國書其文曰大日本國大皇帝覆 大清國 大皇帝頃接國電迺悉 大皇帝追念敝國公使館書記生杉山彬前因貴國官兵殘忍暴戾之舉被戕身故情事已派貴國禮部右侍郎前往致祭並賞祭葬銀五千兩靈柩回抵本國時著派貴國使署參贊官再行奠醊以示惋惜之意等情藉以欣慰又云諄勸各國早定和議則保全貴國大局裨益實多不勝禱切盼切之至等語至於克復和平一節不特 大皇帝所盼朕亦深望之惟 大皇帝如果切望和平宜須明降 諭旨斷不舉用尋常頑固之人亟應簡選中外重望有爲者派爲大臣另立一新政府並望 大皇帝不幸陝西卽回北京以靖民心而表自覺開罪友邦之過實據則各友邦豈有不允議和之理務望 大皇帝接納朕愚誠實勸言朕不勝盼望之至○已未諭慶親王奕劻著授爲全權大臣會同李鴻章妥商應議事宜劉坤一張之洞均著仍遵前旨會商辦理並准便宜行事該親王等務當往還函電熟商折衷一是毋得內外兩歧致多周折是爲至要○劉坤一等奏竊自拳匪聚亂搆毀列邦 京師相繼失陷遼東亦多失守以致 宗社震動 乘輿播遷薄海臣民皇皇失措莫不謂



拳匪釀禍貽誤 國家疾首痛心同切憂懼迫強奉 明詔 車駕暫幸太原議及親貴仰見我 皇太

后 皇上昔者之苦衷今者之明晰雖外人尙未滿意有待調停而天下士庶莫不欽仰感動鼓舞欣

方冀畿輔廓清指日 回轡上慰 九廟在天之靈下達億兆蒼生之望日昨恭讀電傳本月初六日

諭旨現定閏八月初八啟鑾西幸長安等因欽此 臣等私憂過慮誠有不得不具陳於我 皇太后 皇

上之前者伏查自古國家多難之時亦有遷都之舉然必須敵人不能懸軍深入卽深入亦不能持久我

始能立國國存今日聯軍謀勢眾實與古來不同況陝西自宋元明至同治以來屢次兵火商稀民瘠

古稱天府今非雄都又與新疆甘肅爲鄰新疆逼近強俄甘肅尤爲回藪內訌外侮在在可虞較之 京

師素云完善卽就日下言之各國方以新勝之師謀合國進我能往彼亦能往不畏數萬里之海豈畏數

千里之陸恐山川之險未可憑恃卽偏安之局不可幸成且 京師根本重地四方所拱極而朝宗者也

宗廟宮闕 列祖 列宗之神靈所式憑者也二百餘年基業固矣一旦棄之不特失臣民之望亦非

聖心之所安前開各國曾請退兵 回轡不佔土地無論所請果否出於至誠正可藉 回轡之說以

速其撤兵之議倘 西幸迤邐排各國之請阻就款之忱萬一激變宗旨洋兵不撤京畿從此淪胥矣遼

東不復 陵寢從此鼎革矣一國變計各國爭先外而沿江沿海處處侵佔內而奸究生心紛紛擾亂瓜

分之勢成糜爛之禍亟矣人心愈搖餉源愈竭運道愈梗而 朝廷徒局促偏安爲閉關自守之計夫以  
偏僻彫敝之秦隴供萬乘百官之資糧久將不給以屢次挫失之弱兵抗合縱連橫之強國勢必難支存  
亡關鍵實在於此 臣等萬死爲足補救伏乞 皇太后 皇上追念 列祖 列宗創垂之艱難俯念滿  
洲八旗生齒之蕃衍外順各國迎 駕之請內慰臣庶戀 闕之心擬請 睿裁收回幸陝 成命倘若  
乘輿已發駐陝伊邇勢難折回亦乞明降 諭旨以告天下具言此次幸陝亦係暫計俟畿輔稍定即  
行 回鑾並 簡派王大臣致祭 宗廟恭謁 諸陵示天下以 朝廷不忘 宗廟陵寢之重斷無終  
不回鑾之理一面 飭令全樞大臣婉告各國使臣果真退兵示以必返庶足定人心而安大局 臣等  
愚慮所及不敢不昧死瀝陳謹合詞電由護陝撫 臣端方繕摺具奏又奏 臣等正會商電奏間續奉本月  
初七日 諭旨太原荒歉供億維艱且電報不通輾轉延誤不得已西幸長安等因欽此仰見 天心仁  
愛體念時艱並以時局急迫深慮要件或有遲誤故爲此權宜不得已之舉是長安駐蹕可暫不可以已  
在 聖明洞鑒之中顧 臣等竊竊過慮者則以 宗社爲重深恐各國以京城爲首變其宗旨分佔要地  
停戰無日開議無期大局不可收拾仍懇 俯如 臣等所請速即明降 諭旨以慰臣庶之心以遂各國  
之望謹附片具陳又奏接使俄大臣楊儒電述外部之語曰勢必大舉西向恐未成咸陽之宮又將稅關

州之駕等語臣等聞各國議論大率皆同今日幸陝之舉議者必以秦中遠隔海口有黃河潼關之阻限其險隘可守敵來較難拒敵較易不知古今兵事實有不同八國環攻與一國擄兵又不同今日戰鬪須憑鎗力守禦須憑礮力潼關同州等處之黃河僅寬四五里愈上愈狹外國陸路行營快礮七生的口徑者及八九生的口徑用馬拖運者可擊七八里新式長田雞礮可隔山遙擊七八里中國皆無之僅憑土礮小洋礮豈能守河守關各省鎗少彈缺自造無多假使洋兵深入中原運道必然梗阻不過數戰彈子卽罄雖有忠義軍民徒手亦難擊敵蓋一國則深入難八國則接濟易此陝省拒敵之難也又查外洋通例凡係有和約之國必駐公使若其國不能爲公使駐者卽不視爲與國一立和約卽使遷都陝西各國肯允亦必各遣公使來陝駐紮經此次變故以後使館必派洋兵保守距海愈遠洋兵愈多且山西河南直隸一路必至於節節皆駐重兵是無論遷都何處必有使館洋兵徒使中原數千里皆爲洋兵盤踞此陝省遷都之難也總之遷都之計全在平日經營若戰敗以後敵人必不許我矣守險遠海亦拒敵之一策若海口既已屬人內地素無守具則險者失其險矣各省併力各省紛擾彼有接濟之便我無持久之力腹背受敵跋前疐後則違者失其遠矣此須俟事定以後從容籌之過一國生靈之時必先結援數國移蹕陪都軍械充足礮臺周密再行開戰然非所論於此時也以上各情恐議者或未詳者臣愚見所及

不得不據實上陳以備 朝廷裁奪 上諭軍機大臣等劉坤一等合詞籲懇事定回鑾先行宣示各摺片覽奏均悉此次學教紛爭剿撫兩難以致釁起鄰邦震驚宮闕朕恭奉 慈輿於鎗林彈雨之中倉皇西幸中途跋涉蒙艱苦萬狀有爲該督等所不忍聞者朕取下無方業經引咎自責並將辦理不善之王大臣分別重懲原期和議速定早日回鑾以安宗社而定人心詎有甘肅偏安輕棄京師之理現在奕劻李鴻章在京與各國使臣尚未開議洋兵在京分段據守即來往官民亦難自便若遽議回鑾試問如何景象但使各國與中國真心和好不奪我自主之權弗強以所必不能行之事一有成議自當即日降旨定期回鑾至目前巡幸長安原係暫行駐蹕前降諭旨已甚明晰凡此不得已之苦衷當爲天下臣民所共諒豈該督等老成謀國尙未能體諒及此耶此中機括朕籌之已熟該督等惟當謹守封疆接濟行在朕實有厚望焉將此山六百里諭令奕劻李鴻章綽哈布壽餘常恩壽聯劉坤一張之洞許應麟魏光燾德馨于蔭霖徐雁三袁世凱劉樹堂王之春聶緝槩盛宣懷知之○庚申諭軍機大臣等此次洋兵進城在京文武大小各員如有矢志殉國臨難捐軀者亟應予以旌揚以彰忠節著留京辦事大臣崑岡等會同順天府詳細確查奏明請旨辦理倉場侍郎長萃劉恩溥現在何處著一併查明具奏將此各諭令知之○出使德國欽差大臣電呈德主國書其文曰 貴大皇帝來電朕已閱悉具見 貴大皇帝實願

將本國欽差總被戕害大與教化相背各節按照貴國禮儀昭雪朕頗欣慰惟朕爲德國皇帝崇奉西國  
聖教不能以真醜爲伸雪之良法也查除被戕之欽差外尚有與朕同教之主教教士婦孺等多人均因  
遵奉本教備受陵虐斃於非命今皆仰指 貴大皇帝以伸冤抑 貴大皇帝祇飭真醜豈足以慰此項  
無辜之冤魂哉照萬國公法當爲禁地之使署並受辱各國商民天主教耶穌各教友以及同朕奉教之貴  
國人民均被欺陵擾害原不僅惟 貴大皇帝是問而貴國執政王大臣並各省大小臣工所犯之罪原  
應論死以致教化各國不勝驚駭此等背義之員卽應從嚴懲辦如果 貴大皇帝能定其應得之罪朕  
甚願視爲足以折服各國之心懣 貴大皇帝肯相助並准受害各國所派之官幫同查辦朕亦無不  
爲然至於 貴大皇帝早能回蹕京師朕更深爲欣悅至朕所派統帥華德司朕擬飭其不但照禮敬廷  
而且俾 貴大皇帝大達聖心隨時用軍保衛 聖安襄助剿匪該統帥均可盡力辦理至和局早定一  
節朕亦切盼惟議定和局之時不能不無辜受害各人員抵償各罪至在中華各國人民身家得以保  
全隨意奉教此係朕所厚望者也○甲子出使美國欽差大臣伍廷芳電呈美總統國書其文曰大美國  
大伯理璽天德閣 大清國 大皇帝好貨國駐美大臣面遞閏八月廿一日 大皇帝國電一道接覽  
欣慰中國變起傷害各國臣民大損利益 大皇帝願各國盡捐嫌隙和商妥議做國實有同心前經照

會各國盼望速結 大皇帝素篤邦交招徠保護今釀禍衆魁不特貽害各國並且獲罪中朝如蒙 大皇帝操自上力能嚴懲罪首使各國深信諒和局即可開議○乙丑 上奉 慈禧端佑康頤昭豫莊誠壽恭欽獻崇熙皇太后至潼關駐蹕○奕劻李鴻章電致 行在軍機處閏八月十八日鴻章抵京正與奕劻晤商接駐美伍使真電美外部文稱電傳初二 諭旨茲奉總統諭中朝懲辦諸王大臣足見推誠相待惟細繹 旨意仍多疑慮各駐使致稱端王罪魁若不嚴懲難以謝各國剛毅趙舒翹亦釀禍首惡重治方足蔽辜當電康使確查此次未及查辦者尚有幾員並查明奉 旨懲辦諸人有無徇縱至如何懲辦應使各國皆知果然確辦方是核實廷芳得文後即詣外部宣 朝廷德意外部稱中朝須嚴放流竄殛之典方免列邦漸侵內治自主之權美與中睦故以情告並云 兩宮早日回鑾諸事方有主裁亦免意外生變務請轉奏等情查嚴懲罪魁各節不獨美主此議俄法英亦以此迭相詰責況德主覆電已明言執政王大臣並各省大小臣工所犯之罪原應論死如能定其應得之罪始足以折服各國之心並欲准受害各國所派之官幫同查辦議和之時須雪無辜受害各人員抵償各罪是各國異口同聲不加懲辦斷難就緒聞德統帥仍令聯軍往攻保定雖保不意存追與必欲得禍首而甘心若能此時自行懲辦當可止其西犯縱不能盡如所請亦應將致亂諸王大臣分別從嚴治罪安撫萬不可仍隨行在

使各國有所藉口致撥開議伏乞 聖裁請代奏 上諭軍機大臣等奕劻李鴻章等電悉此次肇禍諸臣前經按照情罪輕重降旨分別懲辦朕心一秉大公毫無掩護卽如怡親王溥靜貝勒載瀛載澄中外迭次電奏均未指出朕亦據實一體懲辦可知此事始末中外傳聞未必盡確而朕之懲處諸王大臣並無徇縱亦可昭然其揭所有已革之王貝勒等業已不准其隨侍行在其嚴議處諸王俟各衙門議擬之日再行降旨示懲至山西民教仇殺巡撫毓賢辦事操切業經開缺不用此外尙有何員並無主名無憑查辦以上各情形奕劻等所深知亦當會同李鴻章與各國使臣明白宣示切實磋磨俾釋疑議否則渾身懲處之重輕泛指查辦之疏漏反復詰問議無期恐大局將益不可問至如所請處分該親王等亦知其不可惟究應如何分別輕重辦理得當之處不妨擬議密奏候朕定奪

東華續錄

光緒一百六十二

臣朱壽朋敬編

臣張毓英恭校

九月己巳朔僉廉三奏湖北地方素多匪類然皆軍營散勇無業游民結會放飄偷竊搶劫聚集稍衆或竟拒捕抗官不過苟圖得財其聯盟薄據語詞雖多悖逆行爲亦極兇強然手無利器巨贓胸無遠謀大志是以旋起旋滅未至蔓延自康有爲等包藏禍心構造邪術創爲自立民權種種妄語迷亂人心一時僥倖少年佻健士子罔弗被惑推戴追該犯等逆跡敗露亡命海隅仍復怙惡不悛布散流言謬立黨會誑騙實財爲數甚巨本年因聞北方多事伺隙思逞於上海地方將所立保國會易名自立會造有富有匪衆分遣逆黨於沿江沿海各省募民痞匪靡然成風此自立匪徒始事之緣由也臣於本年六月初間微賫財旬結江湖會匪沿江各省募民痞匪靡然成風此自立匪徒始事之緣由也臣於本年六月初間微有風聞因其間多涉宣喬士林頗出尋常意計之外未經得有實據不便即時宣揚疊次密電督臣暨鄰近各省詢問消息適安徽之大通湖北之新堤同時起事新堤匪徒於七月二十二日竄擾湖南臨湘縣屬灘頭地方拒斃防勇二名臣聞信立飭駐紮岳州之信字旗營將陶廷樑加派帶領新軍健字營提督



張慶雲帶隊馳往會合鄂省派出之武愷靖威等營分畛域圍攻兜捕並飭署岳常澧道顏鍾駿及委候補直隸州知州陳國仲前往督同署臨湘縣知縣趙從嘉將保甲事宜認真整頓清刷族實力稽查該匪等驚惶潛遁復竄至臨湘縣沅澧地方縱火焚掠延及澧金各阜之分卡並將司事傷斃張慶雲帶勇馳剿始各潰散張慶雲等隨將臨湘縣及鄂湘與湘省交界之崇陽監利等縣分路排搜先後擒獲匪首黃南陽李壽全及偽柳青岡王之曾廣文偽金剛王王昌平等多名訊據供認俱係紅教會匪聽從自立會匪黨句結滋事隨於軍前正法梟示收繳富有匪票及紅匪旗布數百張現仍嚴緝在逃匪首王秀芳等務獲懲辦此剿捕新堤等處業已起事之匪徒情形也其散放富有票之匪黨前經風聞即飭管帶新兵衛隊現署標右營遊擊劉俊堂選派精壯勇丁暗地探訪查獲匪首李英一名即親提到署督率委員悉心研訊稍得端倪復獲匪首譚嘉一名磨密三晝夜匪黨密計陰謀遂盡情透露惟時湖北業已破案准督軍電知前來臣復加派新募緝勇並委候補知縣沈瀛暨密飭訊出匪黨藏匿地方文武員弁上緊緝拿旋派派出勇隊緝拿獲偽充富有山幫辦徐寬偽充坐堂之逃勇陳保南為匪黨探聽消息之易瑞林散放匪票之李順順到案發交藩臬兩司督同長沙府研訊明確並訊出先曾犯案飭發湘陰縣監禁之吳海樓復有通匪情事又據湘潭縣拿獲散放富有匪票及勇犯拒捕傷勇案之仇長庚

等署岳常澧道顏鍾璣拿獲著名匪首李如海均各隨時就地正法續據委員沈瀛在武陵獲匪沈竹亭  
跟緝至龍陽縣境又弋獲蔡鍾浩瀏陽縣訪獲唐才常胞弟文生唐才中滋陽縣拿獲方成祥徐德慈利  
縣拿獲姚小琴九齡營拿獲李生芝汪葆初卽汪楚珍先後押解至省發交司局推鞠以唐才中蔡鍾浩  
方成祥徐德慈四名所供最爲詳悉蓋唐有爲竄伏外洋時或潛至滬海地方改立自立會散放富有票其  
句結會匪卽稱爲富有山倚梁啟超弟子湖北已獲正法之唐才常糾合內地各項匪徒私分地段僞設  
官職漢口曰資賢公襄陽曰慶賢公沙市曰制賢公荊州曰集賢公岳州曰益賢公長沙曰招賢公其餘  
各處皆立有名目僞稱新造自立之國分立五軍唐才常僞稱欽差湖北湖南江蘇安徽江西等省各軍  
總統已獲正法之林圭僞稱武昌中軍總統在逃之湖北試用縣丞沈克誠卽沈愚漢爲僞右軍總統陳  
說卽桃源縣已革廩生陳猶龍爲僞左軍統領龍山縣人唐仰梧卽唐植林爲僞右軍幫辦常德一帶之  
事與現獲之唐才中同爲僞右軍幫辦稽查會員催辦餉械事務較重於唐植林在逃鳳凰屬附生朱  
度雲湘鄉縣人魏超同稱爲僞右軍營務會員蔡鍾浩卽蔡樹地詭名松陰次郎同逸匪唐仰梧在常德  
一帶煽惑兼辦匪中僞文案各有僞職容再細加研究分別懲辦至僞充湖南糧臺之安徽桐城人浙江  
試用巡檢汪光炳卽汪堯汶本名汪銘詭名金容四郎業已聞拿自盡大抵此項匪徒中有二等一係文

人皆曾在各處學堂肄業及經出洋學生與康有爲交往素密一係痞匪及內地籍有之會匪痞徒貪利忘害與之聯合臣業將在逃首要匪犯姓名詳開清單懸立重賞咨行通緝並示諭被誘愚民繳崇首悔前有匪首談鰲悔過投營將談鰲及李順廣指拿到案臣立刻免罪一體給賞仍節敘事由張貼告示俾匪黨觀感自新且使互相猜忌務在嚴拿首要解散脅從雖經供出姓名查無確據者概不株累此查拿散放富有匪票之情形也伏查逆犯梁啟超先年充當湖南時務學堂教習傳播邪言餘燭所及以常德及澧州屬慈利縣爲甚故匪黨以湘籍爲最多其蔡鍾浩與逸匪文生趙必振何來保陳猶龍陳應軫等皆常德府屬之人而李生芝於事敗之後復於慈利縣糾合沙市匪徒成十餘營意圖再舉匪中至有慈利官班子之號徒黨繁猥可以概見似此浸淫蔓延誅不勝誅以臣愚昧之見惟有先將保甲一層切實辦理先行別清良莠方有措手之處至團練丁壯前曾有稟請自備薪糧募勇團練冒領軍火者均經嚴詞駁斥竊恐不逞之徒暗圖藉此滋事俟保甲確有成效次第舉行一面會同學政臣吳樹梅將書院章程詳籌更定請明正學專以程朱爲主以滌汚俗而正人心端本澄源莫要於此至此大匪徒本約各府州縣同日起事率舉兵力七八月間長沙岳州等處訛言繁興人心惶惑幾有不可安居之勢該匪黨羽既衆費用亦多布散極廣用計極惡爲歷來所未有設非仰賴天威及早破獲其貽患殆將不可勝言

所有出力員弁可否容 擇尤酌保數員以示獎勵出自 逾格鴻施得 旨覽奏已悉辦理尙爲迅速  
所有出力員弁准其擇尤酌保毋許冒濫○庚午諭軍機大臣等李鴻章密片所陳各節已悉上月廿日  
因劉坤一等合詞籲懇事定回鑾曾經明晰宣示寄諭中外各大臣遵照此奏乃上月二十二日所發自  
係尙未接奏前旨朕之此次暫行駐蹕西安並無久居之意該大臣等切勿誤會一面仍會各國使臣速  
行開議以期事定早日回鑾○辛未諭軍機大臣等據錫良電稱洋兵頭隊已到新樂正定一帶意在西  
犯等語保定以禮接待雖無異議若意在西犯勢難聽其長驅直入奕劻李鴻章速與各國使臣商辦阻  
其前進庶免有礙和局儼竟置之不理仍以迎護教士爲名一意西驅獲鹿等處防營各執尙未停戰之  
說難斷束手以待一面已電飭各統領嚴密防守不准洋兵闖入豫晉境內如果洋兵先有開礮放鎗等  
事卽著各防營竭力抵禦儼致有傷和局不得謂毀自我開著該親王等迅卽遵照辦理並速電覆目前  
正在議和洋兵仍復西驅究竟其意何在該親王等不妨明向各國使臣詰詢確情一併電奏○壬申  
上奉 慈禧端佑康頤昭豫莊誠壽恭欽獻崇熙皇太后至陝西西安府駐蹕○奕劻李鴻章電致 行  
在軍機處頃據盛宣懷轉保定敬電派員迎東路法兵晤兵官杜得允爲保護鐵路一切法兵到保千餘  
兩司與杜會見杜自願保護省城人民兵不入城並屬拮保國龍旗及法旗今早洋人郝禔而帶法兵三

百餘赴定州看鐵路一面到漕河開工德意兵今日亦到兩司派嚴令到定興接見聯軍有英法德意日兵各國兵共萬餘均歸英提督賈而帥統轄嚴令面令英統帥保護鐵路伊云聯軍與鐵路另是一事速勞迎接當爲保護嚴令與英提督再四商請各兵到保當預備兵館供應食物勿入城驚擾商民英提督亦勉允可又云到保再說看來意不善且聞有西行意並詢及榮剛輩上能嚴辦或可止兵西行請速電奏等語伏查剛毅董福祥各國君臣均請嚴辦榮祿奉派會議各使雖不願接待亦知其當日頗費調停尙無深咎之意務請嚴懲禍首諸人俾及早開議止兵西行請代奏上諭軍機大臣等奕劻李鴻章東電悉各國所指釀禍諸臣究應如何分別輕重辦理方爲得當之處上月廿六日業經電諭該親王等擬議密奏此旨計已奉到著即迅速電覆以憑核辦現在敵兵已踰保定西向究竟其意何在不妨據實相告彼此和商辦理須力阻其前進爲要○癸酉調敬信爲吏部尙書崇禮爲戶部尙書以貴恆爲刑部尙書○以鹿傳霖爲都察院左都御史○諭現在禮部尙書尙未前來行在禮部尙書著鹿傳霖署理○松壽奏准軍機大臣字寄光緒二十六年七月十二日奉 上諭據袁世凱代奏接准劉樹堂電稱浙省江山縣會匪吳賴頭糾合閩省浦城縣土匪劉加幅等旗起事連陷江山常山二縣衢郡戒嚴該郡界連三省慮其竄逸等語現在海防方急土匪又復乘機起事亟應速行撲滅以清內訌著劉樹堂迅飭

派出各營實力痛剿務將江山常山二縣城薙日規復并著劉坤一許應麟王之春松齡各派勁兵會同  
兜剿仍嚴防分竄之路勿令蔓延為要將此由六百里各諭令知之欽此欽遵轉飭遵辦伏查臣前接准  
浙江撫卹劉樹堂電稱福建九江土匪滋擾據衢州府稟報江山縣二十四日失守並據蘭溪縣探報常  
山淪陷請即派兵會剿等情當經臣飭管帶威武新軍剛字等營廣東雷壇鎮總兵申道發派委幫帶威  
武新軍中營營官趙春廷率帶所部山陞路馳往廣信玉山一帶擇要駐紮防剿並札內河水師派撥礮  
船十號駛往河口鎮駐防又派威武新軍副後營由該營官文玉發管帶前往河口駐紮以為後路策應  
並因廣信府屬與閩浙界址毗連處處可通又飭申道發親帶剛字中營馳往適中地方居中調度並由  
臣電商浙閩皖三省督撫卹分飭各軍會商兜剿會將剿匪大概情形電致山東撫卹袁世凱代奏在案  
茲據管帶信字營記名提督劉先文暨廣信府知府查恩綏及玉山廣豐等縣先後稟報探得該土匪劉  
加幅山浙回竄圖攻玉山縣城於七月十一日該匪千餘人分東南北三路來犯勢甚猖獗劉先文慷慨  
督師卹開玉山縣東門率隊迎戰並飭綠營兵丁防營練勇鄉團分路包剿劉先文身先士卒與把總趙  
得清手刃數匪我軍奮勇直前斃匪一百數十名並陣斬騎馬賊二名奪獲馬二匹軍械火藥旗幟等項  
無數賊眾奔竄劉先文率隊窮追數十里搜獲逃匿賊匪十數名立斬以徇次日威武新軍營官趙春廷

在玉山縣八都地方與匪迎戰又斃匪二百餘名匪首劉加幅被趙春廷礮傷係匪竄至廣豐縣境亦被擊退此間浙土匪圍犯玉山縣城經官軍擊退獲勝之實在情形也臣查玉山縣與浙省常山江山等縣毗連此次土匪劉加幅回竄越境圍攻縣城經信字營管帶劉先文奮勇直前身先士卒率同防營營綠營兵丁以及練勇鄉團擊退匪黨力保危城均不無微勞足錄所有在事出力文武員弁合無仰懇 天恩俯准由臣擇優保獎以昭激勸得 旨准其擇優酌保毋許冒濫○甲戌以裕綱為駐藏辦事大臣○調綽哈布為黑龍江將軍奎俊營著成都將軍○以班煥盛為浙江處州鎮總兵○電 諭羅豐祿支電 悉朕恭奉 慈輿駐蹕太原疊經降旨嚴飭地方官將有教堂處所格外加意保護不獨山西一省如此各省亦速飭照辦毓賢辦事操切業經屏斥不用此旨著羅豐祿向英外部明白詳告為要○奕劻李鴻章電致 行在軍機處迭接駐俄楊使勘電格使想抵京儒到黑海行宮迭晤外戶部彼均以修好了事為急告以東三省現為俄據中外曠有煩言彼謂俄好意始終如一力之所及無不相助云竊以現方開議擬向彼敦商先交還三省城各國當有觀感惟交城需人接手現三將軍為誰總以明白曉事方可勝任祈速示以便商辦又冬電外戶部均敦請 還蹕謂如 俞允不難勸各國撤兵決無他慮機不可失且於和議大有關係云勘電計遠索歸東三省事連日與外戶部籌商俾釋各國疑慮彼亦謂然但云俄

兵到盛京時民方縱火搶掠幸兵已抵城故書庫 御座均得保全 陵寢亦派人看守無恙若驟撤兵恐亂復作因告以已電全權催各將軍前赴接洽交收地方彼云如此不難商辦並可少留巡兵聽將軍調用以資彈壓彼頗願見好意已允行惟保路之兵一時尙不允全撤乞代奏速示覆等語查三省均已失陷俄允交收是好機會壽山延茂均自盡長順增祺不知存亡似此二人尙明白曉事請 旨飛飭暫行妥商接收黑龍江應另簡妥員如綽哈布等遴派速往或不至僨事乞代奏請 旨 上諭軍機大臣等奕劻李鴻章奏電悉據楊儒電稱俄允交還東三省該親王等與俄格使有無接洽此事總須與俄使商訂的確方可派員接收黑龍江將軍本日已放綽哈布矣增祺長順卽著奕劻等設法查明現在何處准其傳旨先行接管如果一時查無實在下落並著該親王等於在京各大員中擇其堪勝此任者酌保數人速行電奏以便簡派前往並須與俄使妥商保護方無阻隔而期迅速以上各節該親王等商定後卽行電覆爲要○乙亥諭軍機大臣等疊據錫良朱慶等電稱督省防務日緊兵心憤激如果洋兵闖入晉境斷不能不併力抵禦任其長驅直入等語現在方將開議和局萬不可決裂本月初四日曾電諭該親王等力阻洋兵前進並詢明一意西進究係何意尙未據電覆茲據錫良等探稱洋兵入保定後分段佔據我軍欵礮均被收去法國前隊已入定州如果屬實何以未見李鴻章奏報現在局勢迫切該親王



等若不設法先行阻止勢必又開釁端大局更難收拾本日已諭令錫良等相機因應切毋孟浪從事但  
事機所值應切實商阻洋兵前進一面速籌開議並商停戰免誤大局至釀禍諸臣處分迭諭該親王等  
秉公覆覈擬議密奏著一併速行電覆○以世續爲正紅旗蒙古都統○以安成爲駐藏幫辦大臣並賞  
給副都統銜○丙子禮部尙書廖壽恆因病奏請開缺允之○以濟祿爲禮部左侍郎○諭袁世凱奏大  
員殉節籲懇恩施據呈代奏一摺三品銜國子監祭酒王懿榮敦品績學持躬清正疊承恩眷平日夙矢  
忠貞思濟時艱本年七月臨難捐軀從容就義洵屬大節凜然加恩著追贈侍郎銜卹卹例贈卹其  
妻謝氏及其長子婦張氏亦同時殉難忠貞孝義萃於一門允宜特予褒嘉以彰貞節王謝氏王張氏均  
著准其旌表伊長孫王福坤著俟服闋後以主事分部行走該部知道○丁丑以雲鴻職爲都察院左都  
御史○以鹿傳霖爲禮部尙書○戊寅以陸潤庠爲禮部右侍郎○己卯諭軍機大臣等奕劻李鴻章三  
電均悉著再與各使極力磋磨以事屬可行爲度至齊電所稱先發制人之計恐我以爲先發制人彼仍  
尙未滿意枝節迭生何以收束應俟該親王等覆奏二十六日電旨到日一併明降諭旨分別從嚴懲處  
以期一氣完結早日開議此意奕劻李鴻章當能體會及之○諭前調鄧增帶兵赴太原行在現在駐蹕  
長安鄧增卽係陝西提督著統率所部速回本任慎固邊防陝安鎮總兵姚文廣著一併回任○壬午鄭

親王凱奏賜卹如例○諭徐會澄等奏土匪戕官劫獄調兵剿辦情形一摺本年八月間直隸懷柔縣突有土匪數百人闖進衙署將該縣知縣焦立奎戕害並殺害各口鄉友多人銀物搶劫一空實屬形同叛逆經都司項維揚等帶兵進剿將逃犯孫枕當場格斃其餘土匪均開城遠遁一無弋獲卽著迎水鎮總兵李安堂認真剿辦悉數擒獲盡法懲治毋任漏網餘著照所議辦理○以德雲爲正白旗漢軍都統○奕劻李鴻章電致 行在軍機處本月初三日據直隸藩司廷雍稟前月二十六日英提督賞爾思到保該司以禮延接次日忽至司署將庫把守計存銀十六萬餘兩盡失九月初七日據保定府稟初二聯軍約兩司赴公所先問臬司各教案旋聽回署僅守以兵廷藩司被留至今未釋又據盧龍縣稟俄兵突入永平將知府重煥執赴旅順各等情鴻聞廷藩司於五月間縱容義和團焚殺洋醫及殺教民數十命最爲外人所恨經向各使解釋未破其疑候事定再行陳奏該藩司應否開缺簡放請 旨遵行至永平府重煥被執已行文俄使詢問何故俟覆到酌辦永城俄兵已退現委盧龍縣兼護府印請代奏 上諭軍機大臣等李鴻章電悉藩司廷雍經洋兵拘留現在是否放回著該督查明具奏直隸藩司一缺此時關繫尤要卽著該督酌量辦理並保奏堪以勝任之員請旨遵行永平府知府重煥被俄兵執往旅順究因何事並著向俄使催問速令釋回爲要○戶部奏陝西連歲歉收今年亢旱尤甚麥秋既已失望雜糧

迄末長成節逾霜降春麥不能下種通省惟西同鳳三屬向來稍有蓄藏近時亦苦力有不及而北山一帶地本磽瘠更無隔宿之儲東境地連晉豫山路崎嶇惟東南龍駒寨居襄水上游爲挽運必經之地近時水源漸涸船隻重載艱於上駛運費既鉅米商裹足不前現當 乘輿駐蹕西安三輔重地關繫尤爲緊要非特目前急賑萬不可緩卽來年青黃不接之際亦宜次第籌維陝西撫臣岑春煊正議辦賑而目前軍需浩繁庫儲空匱官賑之力有限必須兼辦義賑方足以紓民困而廣 皇仁查有江蘇候選教職嚴作霖見義勇爲辦理義賑多年不辭勞瘁絕無名利之心從前直隸山東山西四川等省水旱偏災經該員募款運糧邀集同志親查散放緩急得宜活人無算屢蒙 旨嘉獎欽遵有案惟目下東南商務情形日見凋敝籌款之難更非昔比大理寺少卿盛宣懷督辦招商電報各局熟悉商情勸募賑款較易爲力卽將來匯兌轉輸亦須該京卿主持一是此外如補用道直隸候補知府施則敬候選道嚴信厚周寶生曩時經募賑捐均著成效若令其分投勸捐亦足源源接濟應請 飭下兩江總督江蘇巡撫轉飭嚴作霖約齊向來同事或司勸募或司採運一面親赴災區專辦義賑事宜並請 敕下三江兩湖閩廣四川各督撫出示曉諭紳商量力捐助仍檄飭各該地方官會同義紳妥爲經理如果集成鉅款力能旁及則晉豫被災各區亦應並爲推廣一切辦法統由該教職等妥定章程與官賑相輔而行庶幾實惠及

民且以收籌策羣力之效 上諭戶部奏陝西災象已成自宜酌籌賑撫江蘇候選教職嚴作霖辦理義賑多年不辭勞瘁經傳有嘉獎茲劉坤一松壽聯緒稟飭令該員邀集同志來陝辦理義賑補用道施則敬候選道嚴信厚周寶生向辦義賑均著成效併著飭令該員等分投勸辦惟災區較廣需款甚鉅盛宣懷久駐上海熟悉商情並飭勸募鉅款源源匯解以資接濟該督等仍著行江西安徽兩湖閩廣四川各督撫出示曉諭紳商量力捐助仍飭各該地方官會同義紳妥為經理不准稍有勒派等情為要將此由五百里各諭令知之○癸未諭丁振鐸奏請免恩安等屬縣被災條糧一摺上年雲南恩安等屬縣秋禾被災如將應徵條糧照常徵收民力實有未逮加恩著照所請所有光緒二十五年恩安縣屬之託南等鄉共被災田地四百十三頃九畝零應徵秋糧米九百九十石二斗零條編銀四百九十四兩零火耗銀九十八兩零魯甸屬之東西南三路等里共被災田地九百九十二頃七十三畝零應徵秋糧米九百四十九石四斗零條編銀四百九十三兩零火耗銀九十兩零諸折銀三百八十三兩零永善縣屬之魯溪等處共被災田地二百十頃三十六畝零應徵秋糧米二十二石二斗零條丁銀一百八十四兩零火耗銀三十六兩零著全數豁免以紓民力○甲申以陳邦瑞著吏部左侍郎○以戴鴻慈陳秉和為內閣學士○以李昌麟為貴州古州鎮總兵○奏劄李鴻章電致 行在軍機處三奉電 旨敬悉聯軍赴

保並有西去之說致勞 聖慮前照會各使訂期開議各使注意先辦禍首十一人一律正法力與辦駁  
未肯鬆勁請以和議將開聯軍勿庸西去各使均諉之提督而德瓦統聯軍未允接晤能否中止實無把  
握焦急萬分因於蒸電屬楊儒等婉商外部轉飭各使迅速開議並於禍首稍從輕減尚未得復等亦  
知端緒總親握兵柄措置均有為難而各國日久堅執難於轉圜事關 宗社安危不敢不冒死直陳  
敬求 宸斷各國尤以 回鑾之遲速定和議之成否並請速定 回鑾日期宣示中外大局幸甚臣等  
敢保必無侵犯謹先電擬乞代奏 上諭軍機大臣等奕劻李鴻章文電悉懲辦首禍迭經諭令極力磋  
磨前據奏至回鑾遠戍而止今仍未能就範殊深憤懣至所稱以回鑾之遲速定和議之成否足見各國  
有心挾制經之長安並無久居之意一俟款議就緒即當降旨定期回鑾前已明白宣示仍著堅持力辦  
速催開議為要毓賢本已有旨革職聽候查辦矣○電 諭李鴻章覆電兩件均悉保定之事究竟何  
者屬實著即查明迅速電覆○乙酉諭軍機大臣等現在陝省天時亢旱節屆立冬二麥未能徧種農田  
待澤孔殷著岑春煊迅即派員前往太白山虔誠祈禱以冀渥沛甘霖藉慰民望○奕劻李鴻章電致  
行在軍機處盛宣懷轉保定孫鍾祥文電道署教堂並非沈某派人自焚當日拳匪糾眾屢欲焚燒城內  
教堂延藩阻之不得或因此延燒衙署民房故首縣僱人將洋樓拆去並與教士杜賓祺說明事後遣還

英意兩國兵於初六七撤回京德分兵往易州搜剿拳匪將 陵寢封閉鎖鑰交英收紫荆關駐有卡兵及武衛軍將英德兵傷斃十餘名現添洋兵往援恐又開衅完縣王令開展及典史汛官均被洋兵殺害正定祁州等處均有德法兵將往獲鹿大同等處云查洋兵趨向進止均由德瓦統帥調遣瓦擅居侯鑾殿堅不接晤無從與商請代奏 上諭軍機大臣等據盛宣懷電稱德兵分往易州搜剿拳匪將 陵寢封閉等語洋兵既以剿辦拳匪爲名因何將 陵寢封閉殊非情理著奕劻李鴻章向德國在京使臣切實詰問又據宋慶等奏洋兵奪踞紫荆關等情併著向該使理論退出毋再任其西進爲要○內戊電諭奕劻李鴻章本日據盛宣懷電稱現有法兵二千南行恐赴固關又據錫良等奏洋兵奪踞紫荆關已至廣昌仍復前進各等語現既議和何以洋兵西進不止該親王等即向各使詰問究係何意迅速電覆並設法勸阻早日開議爲要再元電奏英使所稱裕長心恨泰西人係揣度之詞況湖北交涉事件向由總督專政非巡撫所得主持務當向各使力爲辯明毋使中國用人之權現在裕長已將交卸河南巡撫前來行在陛見矣○李鴻章電致 行在軍機處頃據英參贊哲美生由保定問案回稱藩司廷雍城守尉奎恆參將王占魁庇縱拳匪戕殺教士多人確有證據均擬死罪稟經德瓦統帥批飭抵償聞已照西法用鎗擊斃署臬司沈家本留本衙門派兵看守候發落德法兵仍留省城等語是德帥欲藉以立威無

可挽救藩司缺關緊要應請 旨遴員簡放至永平府重煥被執據俄使面稱因拳匪滋事該府知情故縱暫送旅順查問尙未定案請代奏 上諭軍機大臣等李鴻章奏電悉所奏廷雍等被害情形實深憤懣各國既真心和好即使中國官員有辦理不善之處自應交中國自行處分何得優我自主之權該督務當向各使力爲辯駁勿使任意肆行終至有礙和局本日據盛宣懷電稱沈家本尙在保定北街福音堂拘留著迅向各使理論務令釋回以便自行懲處直隸藩司一缺前已諭令保舉堪以勝任之員以備簡用著卽迅速覆奏勿遲爲要○丁亥工部尙書陳學棻卒賜卹如例○戊子以瞿鴻禨爲工部尙書○以張百熙爲都察院左都御史○諭劉樹堂奏知縣虧短交代請旨革追一摺浙江於潛縣知縣譚汝棠於歸安縣任內虧短丁漕等項銀兩併計至三萬四千餘兩之多又虧欠米二千七百餘石卽經勒限嚴追迄未完繳實屬膽玩譚汝棠著卽行革職由該撫飭查經過任所有無贓財寄頓並飭屬一體嚴拿該革員籍隸湘潭並著湖南巡撫將原籍家產查封備抵如該革員潛行回籍卽著押解到浙監追審訊餘著照所議辦理○己丑命瞿鴻禨回京供職○以李紱藻爲禮部左侍郎○調周馥爲直隸布政使以員鳳林爲四川布政使○諭軍機大臣等奕劻李鴻章奏函商各使開議大概情形一摺覽奏已悉卽著與各使速商開議無論如何爲難總當極力磋商以期早竣範圍上月二十六日諭令該親王等酌擬處分

尚未覆到著卽迅速電覆以憑核辦○庚寅諭此次肇禍諸臣縱庇拳匪開釁友邦貽憂宗社前經降旨分別懲辦現在京畿一帶拳匪尙未淨盡以致地方糜爛生民塗炭思之實堪痛恨若不嚴加懲治無以服天下之心而釋友邦之憤端郡王載漪著革去爵職與已革莊親王載勛均暫行交宗人府圈禁俟軍務平定後再行發往盛京已革怡親王溥靜已革貝勒載瀅均一併交宗人府圈禁貝勒載瀅業經革去爵職著開門思過輔國公載瀾著停全俸降一級調用都察院左都御史英年著降二級調用前協辦大學士吏部尙書剛毅派往查辦拳匪回京擬奏諸多縱庇本應從重嚴懲現已病故著免其置議刑部尙書趙舒剋查辦拳匪次日卽回未免草率惟回奏尙無飾詞著革職留任已革山西巡撫毓賢在山西巡撫任內縱容拳匪戕害教士教民任性妄爲情節尤重著發往極邊充當苦差永不釋回此事始末惟朕深知卽如怡親王溥靜貝勒載瀅載瀅中外諸臣迭次參奏均未指出卽出使各國使臣電奏亦從未提及朕仍據實一體懲辦可見朕於諸臣處分輕重一秉大公絕無偏袒當亦薄海內外所共諒也○電諭奕劻李鴻章此次肇禍諸臣加重處分本日已明降諭旨宣示朝廷準情定罪毫無徇縱著奕劻李鴻章迅卽切實向各使據理商明剋日開議若再遷延推宕致誤事機是實該親王等之責矣○奕劻李鴻章電致行在軍機處前奉初六電旨增祺長順著設法查明現在何處准其傳旨先行接管當因



泰吉道路不通商請俄使允電旅順提督伯力總督就近查詢該兩將軍現在何處代爲傳 旨先行接

管去後頃接增祺等九月初一義州來函閏月初生莊遼陽繼失敵氛逼近省城時山海關已陷北路俄

兵亦偪東路興京爲日本所佔守城則無應援守 陵則礮火震驚可慮不得不暫退爲議和地步先將

聖容 冊 寶請出俄隊隨即入城除其奏外恐道阻難達乞先電奏再東三省開辦實山營昌拆毀

鐵路以致生靈塗炭大局敗壞已另摺奏各等語鴻臚即商覆傳 旨令其赴瀋與俄將籌商接收事宜

請先代奏 上諭軍機大臣等慶親王奕劻等效電悉增祺等既經傳 旨令其赴瀋與俄將籌商接收事

宜即著將嗣後商辦情形隨時電奏以慰座系○李鴻章電致 行在軍機處欽奉十四日電 旨藩司

關緊要著酌量辦理並保奏堪以勝任之員查王在京現議和約洋情巨測棘手萬分直境拳匪分派

剿撫大致就緒而洋兵藉口四出肆肆焚殺擄掠民不堪命帑藏一空實難措置查四川藩司周馥前在

直久任藩臬情形極熟洋務軍務均有歷練可否請 旨調補是缺飭令迅速交卸沿江下駛航海北來

以資臂助除電催臬司周馥馳赴新任並飭清河道高燾麟暫行兼代藩篆外請代奏軍機大臣奉 旨

周馥已調補直隸布政使並電諭李俊飭令該藩司由長江下駛乘坐海輪速赴新任○辛卯調那桐爲

戶部右侍郎以繙文爲禮部右侍郎○調景星爲湖北巡撫以李興銳爲江西巡撫○調張曾敳爲廣西

布政使余聯沅爲湖南布政使○諭禮部具奏 慈福端佑康頤昭豫莊誠壽恭欽獻崇熙皇太后萬壽  
禮節一摺 聖母太后以乘輿播遷 宗廟 陵寢典禮闕如亦復何心受賀 諭令一應典禮概行停  
止經朕再三籲懇始蒙 俯允令朕於是日率同王公百官在便殿行禮所有應行典禮著一律停止仰  
見 皇太后宵旰憂勤睿懷 宗社將寤難安朕若再行續請轉無以仰慰 慈懷該部即遵 諭行○  
諭端方奏河南地當衝要近來銅差以及官不過境類皆需索酒食車馬舍館供應之外又折價銀  
甚且毆打辦差家人各等語各差往來州縣辦差向有定章官員非例應馳驛者向不供應若如所奏情  
形殊屬不成事體著于陸霖嚴飭沿途各州縣遇有各項差使過境例給車馬者只准付車馬不准折價  
及暗送過難官員不在馳驛之例者一概不准支應如敢任意訛索准由各州縣據實稟揭即著該撫從  
嚴奏參倘該州縣隱忍不報或違例應付並著一併參辦○諭端方奏據河南蘭鄉縣監生薛和貴貢生  
蔣步雲呈訴伊家均被游勇搶劫該縣延擱不理已將原呈交與該管道查辦該省盜賊充斥請飭各屬  
整頓捕務等語豫省盜風素熾各州縣往往匿不詳報以致搶劫肆行民不聊生著于陸霖嚴飭所屬各  
州縣整頓團防保甲請求緝捕嚴定章程以靖盜風而安閭閻鄉縣搶劫各案著即勒令該縣將盜犯  
嚴緝務獲究辦倘再任意延宕即著從嚴奏參○諭前因吳隆海所統安徽一軍沿途騷擾當諭令端方

前往查辦嗣後該藩司查明騷擾情形先行覆奏將吳隆海撤去統領並派員前往河南府滋事地方確查茲據端方奏稱據委員稟覆該營在新安等縣實有騷擾情事自應嚴加懲處以肅軍律頭品頂戴記名提督吳隆海前經撤去統領著卽行革職升用總兵儘先副將李思孝著革職永不敘用並著遞回原籍交地方官嚴加管束記名提督潘長清補用總兵章明達補用副將彭金石守備陳明貴周國臣均著卽行革職劉國綱李春茂均著一併斥革並據該藩司查明總兵銜補用副將王德懷所統江西各營沿途亦多騷擾實屬鈴束不嚴難勝統領之任王德懷著以都司降補並撤去統領由程文炳另派委員接統程文炳節制各軍責任甚重務當約束弁兵嚴申紀律各該營查有滋擾地方等事卽著嚴行懲辦毋稍迴護該部知道○電 命出使德國大臣呂海寰呈遞 國書其文曰 大清國 大皇帝問大德皇皇帝好前接覆書不加切責具見大皇帝篤念邦交曷勝紉佩朕取法無方以致貴國使臣無端遇害至今猶深惋惜現復將肇禍諸臣加重分別嚴懲以申國法而洩公憤頃接呂海寰電奏知大皇帝已准貴國瓦帥率師與中國王大臣議事自當飭令在事諸臣持平商辦以期早日定局和輯如初來書勸朕回京尤微雅意殷拳一俟和議有成卽當定期返旆至各國傳教載在條約此後朕當嚴飭封疆大吏格外加意保護以期永泯爭端用特再布腹心惟希大皇帝鑒察不勝盼禱之至○壬辰諭寬岡等奏大員

國門殉節代遞遺疏一摺將軍延茂持躬恪謹賦性篤誠由詞曹補授京卿歷任駐藏幫辦大臣吉林將軍均稱厥職本年簡放黑龍江將軍尚未赴任七月間臨難捐軀從容就義洵屬大節凜然延茂著追贈太子少保銜加恩予諡入祀昭忠祠照將軍例賜卹任內一切處分悉予開復應得卹典該衙門察例具奏伊妻李氏伊兄弟之妻唐氏董氏李氏陳氏並姪女四人同時自焚盡節尤爲慘烈允宜特予旌揚以彰貞節李氏等但著准其旌表該衙門知道伊子主事璽鴻著俟服闋後以員外郎分部行走○諭崑岡等奏查明儒臣殉節仰懇恩施一摺國子監祭酒熙元於本年七月間目擊時艱悲憤難平仰藥殉難洵屬見危授命忠節凜然著加恩予諡並追贈侍郎銜照侍郎例賜卹其嫂富察氏及其妻費莫氏同時殉節允宜特予旌揚以彰貞節富察氏費莫氏均著准其旌表並著崑岡等確查該祭酒有無子嗣奏明請旨辦理其前經賜卹之國子監祭酒王懿榮一併加恩予諡該衙門知道○諭崑岡等奏詞臣殉節懇恩賜卹一摺翰林院侍讀宗室寶豐品端學粹清簡持躬特命在弘德殿行走克勤厥職茲於七月間臨難捐軀從容就義洵屬大節凜然著加恩予諡追贈太常寺卿銜照三品卿例賜卹伊子承良著賞給主事俟及歲時分部行走○諭崑岡等奏詞臣殉節懇恩賜卹一摺翰林院侍讀崇壽身列清班克勤厥職本年七月間目擊時艱見危授命洵屬大節無虧著加恩予諡追贈太常寺卿銜照三品卿例賜卹伊姪桂

總辦賞給主事俟服闋後分部行走○諭前因京師大小文武官員如有矢志殉節臨難捐軀者朝廷允  
宜優賜黑龍江將軍延茂國子監祭酒熙元翰林院侍讀宗室寶豐崇壽均經降旨賜卹其餘單開各員  
已交軍機處酌量具奏此外滿漢各員尚有殉節未經查出者著寬罔等再行確查奏明請旨辦理○癸  
巳出使英國大臣羅豐祿電呈英主國書其文曰 大英國大君主五印度太后帝謹覆書 大清國  
大皇帝陛下六月初七閏八月廿一兩日 國電業經貴國使臣齎到前貴國變起非常不勝悵愕山西  
誘殺教士英國臣民被害甚多余心尤爲傷戚現查該省尚有歐洲教士以及婦孺若干名口存亡莫卜  
惟望 陛下嚴懲禍首無論班爾何崇期防患將來毋令覆轍之再蹈身產受害者量予賠補地方被擾  
者速使肅清此卽英廷用意之所在也現和議已開倘冀議成之後不但睦誼重敦而且此後外國臣民  
僑居中國者其身產永享昇平之福余實有厚望焉○出使英國大臣羅豐祿電呈義主國書其文曰  
大英國大君主閣 大清國 大皇帝好承寄 國電令各國速定和議敝國具有同心甲義兩國睦誼  
素敦迄今敝國願與貴國和好之心依然無間惟貴國此次變出非常罪魁宜加重懲外國臣民被害者  
賠補既往未害者防患將來各國現擬將條款開送貴國政府凡各國所允敝國無不樂從俾和局早成  
曷勝厚望○張之洞于蔭霖奏曰北方開戰以來各省匪徒咸思蠢動臣等欽遵 諭旨保守疆土欲防

外侮必須先靖內匪當即增募營勇分路防剿七月初旬湖北巴東長樂等縣果有會匪糾眾豎旗起事正在派兵剿辦旋聞安撫大通已有大股會匪突起焚劫其勢甚熾湖北沔陽縣之新堤蒲圻縣之蒲樓岡湖南臨湘縣之灘頭均有會匪接踵而起民間大為驚擾荊州沙市以及嘉魚麻城等縣亦均有會匪謀亂情事各匪聚眾點名打造刀械製備號衣儲積米糧一似錢財甚為充裕者並聞有私運外洋軍火之說當經遴選員弁營勇分路密查剿捕以武穴為下游門戶會匪淵藪並派營勇輪船前往查拿防遏同時各省拿獲各匪皆領有富有票此票乃仿照哥老會散放票布辦法此票係上海洋紙石印寫刻發印皆極精工票上橫書富有二字直書憑票發足典錢一千文前有編號後有年月背有暗口號圖章一顆用在湖北者又鈐楚字圖章其會名蓋暗寓富有四海之意實屬悖妄已極凡領票者均勾串一氣互為聲援據匪首之散票者誰人云持有此票即可向匪首處領錢一千文以後附乘太古怡和輪船不索船價並云中國即將大亂以後持票即可保家以故各省匪首趨之若鶩旋經查出乃大逆康有為一人主使調度其夥黨分布各省輾轉煽惑其巢穴即在英租界內設有國會總會入會者亦不盡康黨沿江沿海各省皆有國會分會分會之中惟以設漢口之分會為最大蓋武漢當南北適中之地居長江之上游而兩湖會匪又最多故先於武漢舉事其會名曰自立會其軍名曰自立軍旬煥三江兩湖等處哥老

會匪糾眾謀逆定期七月二十九日武昌漢口漢陽三處同時起事約定新堤蒲圻之匪連起大股前來接應岳州沙市之匪遙為聲援於二十七日即訪有端倪密飭員弁在漢口李慎德堂及寶順里內拿獲兩湖分會總會首唐才常係督辦南部各省總會又督辦南部各省軍務處林圭係統帶國會中軍李虎生係總商戶當時在唐才常寓所起獲軍械火藥偽印偽札偽示及富有票多張又入會各匪姓名簿又購買洋鎗刀械用款儲募奸細分往各城各營各局充當內應月支薪水招募會匪自稱發餉用款各項帳簿又各省匪黨往來逆信又洋文自立會辦事規條皆在唐才常屋內搜獲並同時在漢口漢陽拿獲同夥謀逆之哥老會匪首聖河清向聯陞等發交營務處司道武昌府江夏縣公同審訊該匪等供認創設自立會勾結哥老會散放富有票同夥謀逆不諱當將該匪首唐才常等二十名正法示儆旋在嘉魚拿獲匪黨唐國才搜獲富有票黃旗及各匪口號名單又正副會長康梁偽諭及供出各匪姓名續據湖南拿獲會匪頭目李英談燕等供稱康有為唐才常梁起超李金彪楊鴻鈞師馬炳等唐才常派為上海總糧臺聽說康有為孫汶派令入會並糾合大刀會孫汶已到山東此事是康有為為總康有為以唐才常為總唐才常以李仁傑即李洪恩師馬炳即師襄為總湘省聞拿自盡之汪銘派為長沙總糧臺各糧臺之錢均是康有為接濟等語查蔣國才匪單內係康有為為正龍頭梁啟超為副龍頭並唐才常供上

海國會總會頭目係廣東人容闕此外各處員弁所獲哥老會匪供詞供出康有爲唐才常爲首者不計其數查獲逆信僞札及各匪供詞尙有沈克誠陳謙林杰卽林邦盛容閔李松芝夏鍾浩汪楚珍張堯卿戴保延均爲謀亂兩湖之大頭目蔡俊傑卽蔡立三又名蔡郵卽大通滋事首匪當卽密札鄂省密咨各省查拿並照會各國領事在案並准大學士直隸總督臣李鴻章湖南巡撫臣俞廉三咨查出訊出康有爲唐才常容閔等句匪作亂私運軍火情形大略相同接准兩江總督臣劉坤一安徽巡撫臣王之春咨富有票匪擾亂長江派兵剿捕起獲匪票僞示私運軍火各情形與鄂省所查皆相符合此項自立會唐才常等以康逆私黨窟穴上海設立總會自爲總糧臺往來沿江沿海各處廣散銀錢賄通會匪計謀兇狡黨夥紛繁其匪黨往來書信大旨謂北方有警乘此煽動沿江沿海各省各會一併同時舉事其同謀勾結之人各處皆有購械募匪之款查其領內存款計洋銀一萬五千餘元用去已將及萬元聞康有爲詐騙糾集之款共有洋銀六十萬元安排以二十萬元用之長江所散放富有票就兩湖地方查出供出者已有二萬餘張事發後兩三日尙有人時向李慎德堂投遞匪黨逆信經稅務司郵政局查獲數起其僞札謂指東南各行省爲新造自立之國又其華洋文規條內有曰不認滿洲爲國家其僞印文曰中國國會分會駐漢之印文曰中國國會督辦南部各省總會之關防又曰中國國會督辦南部各路軍務



處之關防又曰統帶中國國會自立軍中左右前後等營各關防其逆信內有曰以湖北爲中軍以安徽爲前軍以湖南爲後軍唐才常身邊小篋內搜出偽號令告示稿有曰焚燬各衙署佔奪鎗礮劫掠局庫佔踞城池焚戮三日封刀安民派將固守再籌進征其逆信內有曰沿途亦可劫掠其開用偽關防稿札內有曰業經報明滬會發刻關防一顆內刊中國國會督辦南部總會字樣於庚子年七月初六日開用等語唐才常等到案各供認不諱至其種種平空造言捏捏狂吠誘毀兩宮悖逆兇悍筆不忍書令人髮指該會匪等以自立爲名號以焚燬劫掠爲規條以富有票爲引誘以哥老會紅燈會及各省各種會匪爲羽翼意欲使天下民生同時糜爛實爲兇毒已極又查偽札有云本國會深懷危亡等語實屬狡詐誕妄該匪創爲國會造爲詭詞冀以誑誘躁妄之文士鼓勵無知之愚民尤爲可惡竊維目前時勢雖棘上下同心力圖振作尙可勉籌補救之方若該會匪各省蠢起則中國眞將有危亡之勢矣今該會匪既已自稱爲新造之國公然自立不認國家是明目不爲我皇上之臣子矣乃尙敢託保國之名以逞其亂國之謀不獨中國忠義臣民不受其欺凡各國明理曉事之人恐亦不受其欺也近日鄂浙江皖各省滋事之人其逆信票據供詞皆係自立會亂匪之黨皆係領有富有匪票之人其合夥約期濟械助費分據地方安排接應均經查有實據李慎德堂前門在英租界內當日查拿各匪之時由英領事簽字

派令巡捕協同往拿當場眼同起獲各種謀逆作亂器械點據華洋人等衆目共睹因此各國領事皆深  
知此輩實與哥老會合夥必應嚴拿以免擾害地方除湖北湖南兩省隨時密查嚴拿外此外沿江沿海  
各省皆有分會其往來於上海者尤多應即由各省自行查拿已將先後疊次查出供出緊要各匪首姓  
名籍貫陸續開單分咨各省一體懸賞嚴拿必務獲重辦以懲亂逆而安大局至唐才常供出同謀之人  
甚多凡係查無實據者概不株連其軍民人等誤領富有票者准其向官同營局團紳首士繳票銷號即  
免追究予以自新若觀望藏匿不繳者查出匪案定行重辦自漢口匪首伏誅後各路匪徒聞之震懾惟  
富有票放出太多其悍黨匪首尚多漏網現已訪知仍復潛蹤往來上海長江一帶別設後謀力圖糾衆  
報復沙市岳州常德澧州一帶匪徒尚在煽惑窺伺新堤之匪竄擾湖南之臨湘巴陵湖北監利之朱河  
等處其監利沙洋麻城嘉魚崇陽巴東長樂之匪仍飭各營分投搜剿解散其襄陽棗陽應山等處界連  
豫邊素多刀匪豫省年來荒旱飢民頗衆亦遂有會匪開堂放票之事自七月以來藉開教爲名嘯聚焚  
劫自立會匪滋事後查有匪首潛往孝感應山河南信陽州一帶謀劫北上軍火並煽誘河南飢民來漢  
滋事現又訊出有匪首往襄樊一帶煽動刀匪已添募馬步各營沿邊嚴防竄越入境即拿八月內四川  
巫山縣有匪千餘人滋事亦經派營會合川軍相機剿捕中等伏查康逆近年來遁逃海外布散邪說久

思煽動奸人擾亂中國以逞其報復之志茲因各國擄兵以爲有機可乘遂敢遣其黨羽分赴沿江沿海各省勾結匪徒作亂而湖北尤爲該匪注意所在值此時局危亟一經煽動立即四路響應兩月以來武漢商民惶擾遷徙一夕數驚幸仰賴 朝廷威福先期破獲擒誅渠魁巨黨多名各處聚集援應之匪先後擊散陸續擒斬匪目數十人目前人心粗定惟有仍一面督飭各軍各州縣嚴防密拿解散脅從一面照會各國領事布其逆亂罪狀囑其轉告該外部勿爲所惑日前據各領事言從前謂康梁爲智士今已知康梁爲匪徒各國斷不幫助此實由該匪等怙惡窮凶大奪其魄爲悖亂盜賊之事布悖亂盜賊之言奸謀逆跡盡情敗露已爲各國所屏棄誅戮之期當不遠矣惟是湖北數月以來自北方有警長江人心惶惑各匪四散陸續增募兵勇數十營上游則界四川之宜昌下游則界江西之武穴南則界湘之荊州北則界漢之襄陽隨州當陽應山麻城中路則沔陽新堤沙洋嘉魚蒲圻崇陽監利皆會匪出沒之所皆須派營駐守隨時相機剿捕並派營勇前赴湖南之岳州河南之棗陽州越境剿捕巡防以固藩籬各屬請兵請械應接不暇維撫多方增兵既多增餉尤巨種種艱難急迫晝夜不遑惟有竭力鎮撫相機籌辦隨時與湖南撫臣兩江江西安徽督撫臣互相知會合力辦理以維上游大局 上諭軍機大臣等據張之洞等奏逆犯康有爲勾通會匪放票謀逆業將逆黨唐才常等拿獲正法難保無逆黨潛至北省

煽惑愚民又訊知逆犯孫汶已至山東與大刀會匪勾串合謀將此諭知各督撫轉飭沿江沿海查拿解  
散此次事關重大不得以接奉諭旨恭錄通行卽爲了事○乙未欽奉 慈禧端佑康頤昭豫莊誠壽恭  
欽獻崇熙皇太后懿旨陝省本年荒歉貧民甚多現在天氣漸寒覓食維艱殊深矜憫該省每年向在城  
內設立粥廠於十一月初一日開辦本年遇閏節令較早著岑春煊改在城外開設粥廠動用倉糧自十  
月初一日起卽行開放該撫務當遴派員紳認真辦理總期實惠均霑用副朝廷軫念窮民至意○以柯  
逢時爲江西按察使○內中崑岡等奏遵查殉難各員請將延茂等從優賜卹允之○戊戌安徽壽春鎮  
總兵郭寶昌卒賜卹如例○奏助李鴻章電叙 行在軍機處頃接駐俄楊儒敬電德帥到華和議吏難  
維持言之屢矣外戶部又曾言中國早謀了結無此枝節若復因循後患未已和議成否未怪中國俄愛  
莫能助維又密談議若不成各國有開春截泰運道或另立政府之謀駐俄法使面轉現各使列欵行文  
如開議直截小節尙可磋磨若起首堅持大局仍將決裂儒潛訪衆議默審事機竊見各國雖不欲久延  
和局然懲前毖後要挾多方勢所必至若操之過切恐變宗旨鉅而走險無不可爲曠日愈久出計愈奇  
難允之歎恐終於一允彼不奪主權不食土地之言未可恃也各使均奉便宜之權又復折衷公議政府  
不爲遙制彼族無理要求實堪痛心切齒論理應爭一分是一分然爲大局計既有聞見敢安緘默通籌

而操縱之惟諸公是賴乞轉覲香兩帥等語查懲辦禍首電 有上海各領事聞知立電各使均為譁然  
現會商不日仍列欸開議但另備哀的美敦照會若不允行恐變宗有禍將吳淞誠有如楊儒所云者目  
下情形日緊 西陵已派兵看守又分兵往 東陵張家口實在力難勸阻吳德水帥提督並過金陵不  
知意之所在臣等不敢頌於 上固伏乞 聖明鑒察請代奏 上諭軍機大臣等奏回李鴻章電悉  
事機緊迫所不符旨惟來電詞意尙欠詳明現既會商列欸開議其所各條是何端倪曾否見詢有無  
萬不能行之事該親王等貴重全權自應據實密奏一面相機審勢補救得一分是一分總之大局倏關  
欸議可成不可敗兩害取輕是在該親王等惟力是視朝廷不能濫制也